



唐李推官披沙集序

予生百無所好而顧獨尤好文詞如好好色也至於  
好詩又好文詞中之尤者也至於好晉唐人之詩又  
好詩之尤者也予於天下士大夫家及入三館傳唐  
詩數百家多至百十篇寡至一二篇自謂三百年間  
奇瓌詭竇略無遺矣晚識李彙孟達於金陵出唐人  
詩一編乃其八世祖推官公披沙集也如見後却無  
語別來長獨愁如危城三面水古樹一邊春如月明  
千嶠雪灘急五更風如煙殘方有燭雪甚却無聲如  
春雨有五色灑來花旋成如雲藏山色晴還媚風約

溪聲靜又回如未醉已知醒後憶欲開先爲落時愁  
蓋征人淒苦之情孤愁幻眇之聲騷客婉約之靈風  
物榮悴之英所謂周禮盡在魯矣讀之使人發融冶  
之歡於荒寒無聊之中動慘戚之感於笑談方懌之  
初國風之遺音江左之異曲其果弦絕而不可煎膠  
歟然則謂唐人自李杜之後有不能詩之士者是曹  
丕大浣之論也謂詩至晚唐有不工之作者桓靈寶  
衰梨之論也或曰推官公之詩子能辨之子之言將  
使誰辨之曰嗟乎後世有曹丕無靈寶推官公其已  
矣子則有憂也不然推官公其已乎吾何憂哉推官

公諱咸用唐末人也孟達請予序之後二年乃能書  
以寄之孟達亦能詩殊有推官公句法云紹熙四年  
十一月既望誠齋野客廬陵楊万里序

唐李推官披沙集目錄

卷第一

水仙操

西門行

長歌行

公無渡河

石版歌

富貴曲

煌煌京洛行

鷄鳴曲

輕薄怨

巫山高

春雨

春宮詞

獨鵠吟

昇天行

隴西李



公... 隴西李... 成用

緋桃花歌

小松歌

塘上行

卷第二

寓意

蒼頡臺

自君之出矣

君子行

婕妤怨

携手曲

短歌行

大雲歌

春宮賦

春宮賦

劍喻

荆山

妾薄命

銅雀臺

悲哉行

空城雀

放歌行

隴頭吟

覽友生古風

石版

臨川逢陳百年

讀脩睦上人歌篇

謝僧寄茶

古意論交

卷第三

春風

猛虎行

關山月

題友生叢竹

江南曲

寄脩睦上人

遠公亭牡丹

送人

送人

自愧

自愧

夜吟

秋夕

邊城聽角

寄楚瓊上人

春日

秋興

遣興

送從兄坤載

早秋遊金山寺

贈山僧

昭君

秋日與友生言別

秋日訪同人

遊寺

論交

山居

待旦

惜別

疾中寄諸同志

宿隱者居

送錢契明歸廬山

贈任肅

贈來進士鵬

贈來鵬

秋晚

寄友生

題王氏山居

覽文僧卷

聞泉

九江和人贈陳生

送進士劉松

題陳正字山居

送曹悅

途中作

晚望

江行

送別

望仰山憶玄泰上人

酬鄭進士新居見寄

卷第四

登樓值雨

僧院薔薇

冬夕喜友生至

送春

春晴

落花

早蟬

萱草

苔

送趙處士歸廬山

友生携脩睦詩見訪

牡丹

送邊將

冬夜宿遠公亭

寄嵩陽隱者

酬蘊微

訪友人不遇

紅薇

別所知

和脩睦上人聽猿

早行

分題雪霽望爐峯

廬山

謝友生遺端溪硯

卷第五

題陳將軍別墅

題陳處士山居

陳正字山居

小雪

庭竹

哭所知

雪十二韻

和吳處士題村叟壁

和殷衙推春霖即事

湘浦有懷

和蔣進士秋日

言志

秋日送嚴湘侍御

謝所知

送譚孝廉赴舉

和人湘中作

宿漁家

悼范攄處士

春暮途中

送從兄入京

酬秦進士

題陳正字林亭

題王處士山居

秋望

途中逢友人

贈陳望堯

旅館秋夕

送人

題陳正字林亭

秋夕書懷寄所知

山中夜坐

送河南韋主簿歸京

詩集

山中

物情

金谷園

投所知

贈友弟

春日逢鄉人劉松

夏日別余秀才

卷第六

廬陵九日

和人遊東林

和彭進士秋日

和彭進士感懷

寄題從兄村居

送黃賓于赴舉

冬日喜逢吳價

題劉處士居

送李尊師歸臨川

投知



吳處士寄香

草蟲

詠柳

寄所知

雪

緋桃花

秋日登庾樓

和人詠雪

和喜相遇十首

和脩睦山居十首

同友生春夜聞雨

同友生題杜鵑花

同祀上人觀山榴

別李將軍

早鷄

別友人

唐李推官披沙集目錄終

唐李推官披沙集卷第一

水仙操

隴西李



大波相拍流水鳴蓬山鳥獸多奇形琴心不喜亦不  
驚安絃緩爪何泠泠水仙縹緲來相迎伯牙從此留  
嘉名嶧陽散木虛且輕重華斧下知其聲縶絲相糺  
成淒清調和引得薰風生指底先王長養情曲終天  
下稱太平後人好事傳其曲有時聲足意不足始我  
我兮復洋洋但見山青兼水綠成連入海移人情豈  
是本來無嗜慾琴兮琴兮在自然不在徽金將軫玉

雞鳴曲

海樹相扶鳥影翹戴紅拍翠聲膠膠鴛瓦凍危金距  
趨誇雄鬪氣爭相高漏殘雨急風蕭蕭患亂忠臣欺  
寶刃霜濃月薄星昭昭太平才子能歌謠山翁夢斷  
出衡茅谷口霧中饑虎號離人枕上心忉忉

西門行

勞禽不擇枝饑虎不畏檻君子當固窮無爲仲由濫  
爾奮空拳彼擊劍水縱長瀾火飛焰漢高偶試神蛇  
驗武王龜筮驚人險四龍或躍猶依泉小孤勿恃衝  
波膽

輕薄怨

花驄蹀躞遊龍騎連連寶節揮長鞘鳳雛麟子皆至  
交春風相逐垂楊橋拾筮軟玉開素苞畫樓閃閃紅  
裙搖碧蹄偃蹇連金鑣狂情十里飛相燒西母青禽  
輕飄飄分環破壁來往勞黃金千鎰新一宵少年心  
事風中毛明朝何處逢嬌饒門前桃樹空天天

長歌行

要衣須破束欲炙須解牛當年不快意徒爲他人留  
百歲之約何悠悠華髮星星稀滿頭蛾眉螭首聊我  
仇圓紅闕白令人愁何不夕引清奏朝登翠樓逢花

便折聞勝卽遊鼓腕騰棍晴雷收舞腰困裊垂楊柔  
象筋擊折歌勿休玉山未倒非風流眼前有物俱是  
夢莫將身作黃金離死生同域不用懼富貴在天何  
足憂

中巫山高

通蜀連秦山十二中有妖靈會人意鬪艷傳情世不  
知楚王魂夢春風裏雨態雲容多似是色荒見物皆  
成媚露法煙愁巖上花至今猶滴相思淚西眉南臉  
人中美或者皆聞無所利忍聽憑虛巧佞言不求萬  
壽翻求死

公無渡河

有叟有叟何清狂行搔短髮提壺漿亂流直涉神洋  
洋妻止不聽追沉湘偕老不偕死筮篋遺淒涼剗松  
輕穩琅玕長連呼急榜庸何妨見溺不援能語狼忍  
聽麗玉傳悲傷

春雨

大帝閑吹破凍風青雲融液流長空天人醉引玄酒  
注傾香旋入花根土濕塵輕舞唐唐春神娥無跡莓  
苔新老農私與牧童論紛紛便是倉箱本

石版歌

雲根劈烈雷斧痕龍泉切璞青皮皴直方挺質貞且  
真當庭卓立凝頑神春雨流膏成立文主人性靜看  
長新明月夜來迴短影何如照冷太湖濱  
大帝開春宮詞  
風和氣淑宮殿春感陽體解思君恩眼光滴滴心振  
振重瞳不轉憂生民女當為妾男當臣男力百歲在  
女色片時新用不用惟一人敢放天寵私微身六宮  
萬國教誰賓  
富貴曲  
畫藻雕山金碧彩鴛鴦疊翠眠晴靄編珠影裏醉春

庭團紅片下攢歌黛革咽絲煩歡不改繳絳垂緹忽  
如晦活花起舞夜春來蠟燭煌煌天日在雪暖瑤杯  
鳳髓融紅拖象筋猩唇細空中漢轉星移蓋火城擁  
出隨朝會車如雷方馬如龍鬼神闕亦不敢害冠我  
劍重鏘環珮步入天門相真宰開口長為爵祿筌迴  
眸便是公卿罪珠珍索得龍宮貧膏腴刮下蒼生背  
九野干戈指著心威福滿拳猶未快我聞周公貴為  
天子第富有半四海幾有驕奢貽後悔紅錦障收珊  
瑚樹碎至今咲石崇王愷白本

獨鵲吟

碧玉啄長丹頂圓亭亭危立風松間啄萍吞鱗意已  
關舉頭咫尺輕重天黑翎白本排雲煙離群脫侶孤  
如仙披霜唳月驚嬋娟道遙志却還青田爲寒鴉晚  
空相喧時時側耳清冷泉  
煌煌京洛行  
長安近甸巡遊遍洛陽尋有黃龍見千乘萬騎如雷  
轉差差清蹕祥雲卷百司舊分當玉殿太平官屬無  
遺彥歌鍾沸激香塵散晨旗隱隱羅軒冕周公舊跡  
生紅蘚灑澗波光春照晚但聽嵩山萬歲聲將軍旗  
鼓何時偃

昇天行

堂堂削玉青蠅喧寒鷓啄鼠愁飛鸞梳玄洗白逡巡  
間蘭言花笑俄衰殘盤金束紫身屬官強仁小德終  
無端不如服取長流丹潛神却入黃庭閑志定功成  
飛九關逍遙長揖辭人寰空中龍駕時迴旋左雲右  
鶴翔翻聯雙童樹節當風翻常娥倚桂開朱顏河邊  
牛子星郎牽三清宮殿浮晴煙玉皇據案方凝然仙  
官立仗森幢幡引余再拜歸仙班清聲妙色視聽安  
飡和飲順中腸寬虛無之樂不可言

緋桃花歌

上帝春宮思麗絕天桃變態求新悅便是花中傾國  
容牡丹露泣長門月野樹滴殘龍戰血曦車碾下朝  
霞屑惆悵東風未解狂爭教此物芳心歇  
一罇綠酒綠於染拍手高歌天地險上得青雲下不  
難下在黃埃上須漸少年歡樂須及時莫學懦夫長  
泣岐白日欲沉猶未沉片月已來天半垂坎鼓鏗鍾  
殺愁賊按碎是非佯不識長短高卑不可求莫歎人  
生頭雪色

小松歌

幽人不喜凡草生秋鋤斲得寒青青庭闌土瘦根脚  
擗風搖雨拂精神醒短影月斜不滿尺清聲細入鳴  
蛩翼天人戲剪蒼龍髯參差簇在瑤階側金精水鬼  
欺不得長與東皇逞顏色勁節暫因君子移貞心不  
爲麻中直

大雪歌

同雲慘慘如天怒寒龍振鬣飛乾雨玉圃花飄朶不  
勻銀河風急驚砂度謝客憑軒吟未住望中頓失縱  
橫路應是羲和倦曉昏暫反元元歸太素歸太素不  
知歸得人心否

塘上行

橫塘日澹秋雲隔浪織輕颺羅幕幕紅綃撒水蕩舟  
人畫橈摻摻柔荑白鯉魚虛擲無消息花老蓮踈愁  
未摘却把金釵打綠荷懊惱露珠穿不得

唐李推官披沙集卷第一

唐李推官披沙集卷第二

寓意

直道荆棘生斜徑紅塵起蒼蒼杳無言麒麟迴瑞趾  
東風如未來飛雪終不已不知姜子牙何處釣流水

劍喻

黯黯秋水寒至剛非可缺風胡不出來攝履人相蔑  
縱挺倚天形誰是的提挈願將百鍊身助我王臣節  
先賢憂民詐觀跡成綱紀自有書契來爭及結繩理

隴西李 咸用

良工指君疑真玉却非玉寄言懷寶人不須傷手足  
自君之出矣鸞鏡空塵生思君如明月明月逐君行  
妾薄命

妾命何太薄不及宮中水時時對天顏聲聲入君耳  
君子慎所履小人多所疑尼甫至聖賢猶為匡所縻

銅雀臺

但見西陵慘明月女妓無因更相悅有虞曾不有遺

言滴盡湘妃眼中血

婕妤怨

莫恃芙蓉開滿面更有身輕似飛燕不得團圓長近  
君珪月鉞時泣秋扇

悲哉行  
雲色陰沉弄秋氣危葉高枝恨深翠用却春風力幾  
多微霜逼迫何容易

携手春復春未嘗暫離別天大風前花纖纖日中雪  
不敢怨於天唯驚添歲月不敢怨於君祇怕芳菲歇





高山閉巍我流水空鳴咽一卷冰雪言清冷冷心骨  
分明古雅聲諷諭成凄切皴皴老松根晃朗驪龍窟  
荆璞且深藏璠石方如雪金多醜女妍木朽良工拙  
姦宄欺雷霆魑魅嫌日月蝶迷桃李香鮒罔江湖闊  
不寐孤燈前舒卷忘饑渴

題友生叢竹

菊華寒露濃蘭愁曉霜重指佞不長生蒲萐今無種  
安如植叢篁他年待栖鳳大則化龍騎小可釣璜用  
留煙伴獨醒迴陰冷閑夢何妨積雪凌但爲清風動  
乃知子猷心不與常人共

石版

高人好自然移得它山碧不磨如版平大巧非因力  
古蘚小青錢塵中看野色冷倚砌花春靜伴踈篁直  
山僧若苦轉頭如逢舊相識

江南曲

江南四月薰風低江南女兒芳步齊晚雲接水共渺  
瀰遠沙疊草空萋萋白苧不堪論古意數花猶可醉  
前溪孤舟有客歸未得鄉夢欲成山鳥啼

臨川逢陳百年

麻姑山下逢真士玄膚碧眼方瞳子自言混沌鑿不

死大笑老彭非久視強爭龍虎是狂人不保元和虛  
叩齒桃花雨過春光膩勸我一杯靈液味教我無爲  
禮樂拘利路名場多忌諱不如舍德反嬰兒金玉滿  
堂真可貴

寄脩睦上人

衣服田方無內客一入廬雲斷消息應爲山中勝槩  
偏惠持惠遠多踪跡尋陽有箇虛舟子相憶由來一  
無事江邊月色到巖前此際心情必相似相似不似  
寄數字

讀脩睦上人歌篇

李白亡李賀死陳陶趙睦尋相次須知代不乏騷人  
貫休之後唯脩睦而已矣睦公睦公真可畏開口向  
人無所忌才似煙霞生則媚直如屈軼佞則指意下  
紛紛造化機筆頭滴滴文章髓明月清風三十年被  
君驅使如奴婢勸君休莫容易世俗由來稀則貴珊  
瑚高架五色毫小小不須煩藻思

遠公亭牡丹

鴈門禪客吟春亭牡丹獨逞花中英雙成膩臉偎雲  
屏百般姿態因風生延年不敢歌傾城朝雲暮雨愁  
娉婷藥繁蟻脚粘不行甜迷蜂醉飛無聲廬山根脚

含精靈發妍吐秀叢君庭溢江太守多閑情欄朱繞  
絳留輕盈潏潏綠醴當風傾平頭奴子吹銀笙紅葩  
艷艷交童星左文右武憐君榮白銅鞮上慙清明

謝僧寄茶

空門少年初地堅摘芳爲藥除睡眠匡山茗樹朝陽  
偏暖萌如爪擎飛爲枝枝膏露凝滴圓參差失向兜  
羅綿傾筐短甌蒸新鮮白紵眼細勻於研甄排古砌  
春苔乾殷勤寄我清明前金槽無聲飛碧煙赤獸呵  
冰急鐵喧林風夕和真珠泉半匙青粉攪潏潏綠雲  
輕縮湘娥鬟嘗來縱使重支枕胡蝶寂寥空掩關

送人

少皞開宮行帝業無刃金風剪紅葉鴈別邊沙入暖  
雲蛩辭敗草鳴香閣有客爲儒二十霜酣歌郢雪時  
飄揚不甘長在諸生下束書携劍離家鄉利爪韝上  
鷹雄文霧中豹可堪長與鳥鳶噪是宜摩碧漢以遐  
飛出南山而遠蹈况今大朝公道天子文明團團月  
樹懸青青燕中有馬如龍行不換黃金無駿名荆山  
有玉猶在璞未遇良工虛擲鵲一壺清酒酌離情休  
向蒿中隨雀躍

古意論交

擇友如淘金沙盡不得寶結交如乾銀產竭不成道  
我生四十年相識苦草草多爲勢利朋少有歲寒操  
通財能幾何聞善寧相告茫然同夜行中路自不保  
常恐管鮑情參差忽終老今來既見君青天無片雲  
語直琴絃急行高山桂芬約我爲交友不覺心醺醺  
見義必許死臨危當指囷無令後世士重廣孝標文

唐李推官披沙集卷第二

唐李推官披沙集卷第三

春風

隴西李咸用

青帝使和氣吹噓萬國中發生寧有異先後自難同  
輦草不銷力巖花應費功年年三十騎飄入玉蟾宮

自愧

多負懸弧禮危時隱薜蘿有心明俎豆無力執干戈  
壯士難移節貞松不改柯纓塵徒自滿欲濯待清波

夜吟

白兔輪當午儒家業敢慵竹軒吟未已錦帳夢應重

落筆思成虎懸技待化龍景清神自爽風遞遠樓鍾

昭君

古帝修文德蠻夷莫敢侵不知桃李貌能轉虎狼心  
日暮邊風急程遙磧雪深千秋青塚骨留恁在胡琴

秋夕

廖廓秋雲薄空庭月影微樹寒棲鳥密砌冷夜蛩稀  
曉鼓軍容肅踈鍾客夢歸吟餘何所憶聖主尚宵衣

秋日與友生言別

利名心未已離別恨難休爲箇文儒業致多岐路愁  
數花籬菊晚片葉井梧秋又決出門計一樽期少留

邊城聽角

戍樓鳴畫角寒露滴金槍細引雲成陣高催鴈著行  
喚迴邊將夢吹薄曉蟾光未遂終軍志何勞思故鄉

秋日訪同人

忽憶金蘭友携琴去自由遠尋寒澗碧深入亂山秋  
見後却無語別來長獨愁幸逢三五夕露坐對冥搜

寄楚瓊上人

遙知無事日對靜五峯秋鳥隔寒煙語泉和夕照流  
凭欄踈磬盡暝遠雲收幾句出人意風高白雪浮

遊寺

無家身自在時得到蓮宮秋覺暑衣薄老知塵世空  
幽情憐水石野性任萍蓬是處堪閑坐與僧行止同

春日

浩蕩東風裏徘徊無所親危城三面水古樹一邊春  
衰世難修道花時不稱貧滔滔天下者何處問通津

論交

行虧何必富節在不妨貧易得笑言友難逢終始人  
松篁貞管鮑桃李艷張陳少見歲寒後免爲霜雪塵

秋興

木葉亂飛盡故人猶未還心雖離紫闕時合在青山

近寺僧隣靜臨池鶴對閑兵戈如未息名位莫相關

山居

草堂書一架苔徑竹千竿難世投誰是清貧且自安  
隣居皆學稼客至亦無官樵尾何人聽涼宵對月彈

遣興

風細酒初醒憑欄別有情蟬稀秋樹瘦雨盡晚雲輕  
旅鬢一絲出鄉心寸火生子年魂欲斷何日是昇平

待旦

簷靜燕雛語窓虛蟾影過時情因客老歸夢入秋多  
蔽日群山霧滔天四海波吾皇思壯士誰應大風歌

送從兄坤載  
恐淚不敢下恐兄情更傷別離當亂世骨肉在他鄉  
語盡意不盡路長愁更長那堪回首處殘照滿衣裳

惜別

細雨粧行色霏霏入戶來須知相識喜却是別愁媒  
白刃方盈國黃金不上臺俱爲鄒魯士何處免塵埃

早秋遊山寺

閑卧雲巖穩攀緣笑戲猿靜於諸境靜高却衆山高  
至理無言了浮生一夢勞清風朝復暮四海自波濤

秋日疾中寄諸同志

閑居無勝事公幹卧來心門靜秋風晚人稀古巷深  
花疎籬菊色葉減井梧陰賴有斯文在時時得強尋

贈山僧

榮枯雖在目名利不關身高出城隍寺野爲雲鶴鄰  
松聲寒後遠潭色雨餘新豈住空空裏空空亦是塵

宿隱者居

永日連清夜因吾識君竹扉難掩月巖樹易延雲  
曙鳥枕前起寒泉夢裏聞又須隨計吏鷄鶴迥然分

送錢契明尊師歸廬山

瘦倚青竹杖鑪峯指欲歸霜粘行日屨風暖到時衣



凭檻雲還在攀松鶴不飛何曾有別恨揚柳自依依

送進士劉松

滔滔皆魯客難得是心知到寺多同步遊山未失期  
雲低春雨後風細暮鍾時忽別垂楊岸遙遙望所之

贈任肅

玄髮難姑息青雲有路岐莫言多事日虛擲少年時  
松色雪中出人情難後知聖朝公道在中鵠勿差池

題陳正字山居

惟來忘祿位習學近瀟湘見處雲山好吟中歲月長  
花光籠曉雨樹影浸寒塘幾日憑欄望歸心自不忙

贈來進士鵬

語玄人不到星漢在靈空若使無良遇虛言有至公  
月明千嶠雪灘急五更風此際苦吟力分將造化功

送曹杭

摻袂向春風何時約再逢若教相見密肯恨別離重  
芳草漁家路殘陽水寺鍾落帆當此處吟興不應慵

贈來鵬

默坐非關悶凝情祇在詩庭閑花落後山靜月明時  
荅客言多簡尋僧步稍遲既同和氏璧終有玉人知

途中作

瘦馬倦行役斜陽勸著鞭野橋寒樹亞山店暮雲連  
退鷁風雖急攀龍志已堅路人休莫笑百里有時賢

秋晚

斜陽山雨外秋色思無窮柳葉飄乾翠楓枝撼碎紅  
鬢毛看似雪生計尚如蓬不及樵童樂蒹葭一笛風

曉望

露驚松上鶴曉色動扶桑碧浪催人老紅輪照物忙  
世情隨日變利路與天長好駕航船去陶陶入醉鄉

寄友生

交情應不變何事又離群圓月思同步寒泉憶共聞

雪霜松色在風雨鴈行分每見人來說窓前改舊文

江行

瀟湘無事後征棹復嘔啞高岫留斜照歸鴻背落霞  
魚殘沙岸草蝶寄汙流槎共說干戈苦汀洲減釣家

題王氏山居

簷有煙嵐色地多松竹風自言離亂後不到鼓鼙中  
徑柳拂雲綠山櫻帶雪紅南邊青嶂下時見採芝翁

送別

別意說難盡離盃深莫辭長歌終此席一笑又何時  
棹入寒潭急帆當落照遲遠書如不寄無以慰相思

雖無先聖耳異代得聞韶  
惟石難爲古奇花不敢妖  
調高非郢雪思靜礙箕瓢  
未可重吟過雲山興轉饒  
望仰山憶玄泰上人

晴嵐凝片碧如在此中禪  
見面定何日無書已一年  
高秋關靜夢良夜入新篇  
仰德心如清風不我傳

聞泉

浙浙夢初驚幽窓梳篦清  
更無人共聽祇有月空明  
急想穿巖曲低應過石平  
欲將琴強寫不是自然聲  
酬鄭進士九江新居見寄

躡履扣柴關因成盡日閑  
獨聽黃鳥語深似白雲間  
萍沼寬於井莎城綠當山  
前期招我作此景得吟還

九江和人贈陳生

天畏斯文墮憑君助素風  
意深皆有補句逸不因功  
暮替雲愁遠秋驚月占空  
寄家當瀑布時得笑言同

暮春... 天野... 八... 平... 歸... 白雲...

唐李推官披沙集卷第四

登樓值雨

龍西李... 咸用

共訝高樓望匡廬色已空白雲橫野闊遮岳與天同  
數點雨入酒滿襟香在風遠江吟得出方下郡齋東  
江微多佳景秋吟興未窮送來松檻雨半是蓼花風  
浪猛驚翹鷺煙昏叫斷鴻不知今夜客幾處卧鳴蓬  
送趙舒處士歸廬山

歸岫香鑪碧行吟步益遲諸侯師不得樵客偶相隨  
恩舊江雲斷談玄岳月移祗應張野輩異代作心知

思舊以僧院舊薇  
客引擎茶看離披  
曬錦紅不緣開淨域  
爭忍負春風  
小片當吟落清香  
入定空何人來此植  
應固惱休公  
友生携脩睦  
上人詩見訪  
雪中敲竹戶  
袖出岳僧詩  
語盡景皆活  
吟闌角獨吹  
意如將俗背  
業必少人知  
共約冰消日  
雲邊訪所思  
天涯行欲遍  
此夜故人情  
鄉國別來久  
干戈還未平  
燈殘偏有焰  
雪甚却無聲  
多少新聞見  
應須語到明  
曹李莊牡丹

少見南人識識來  
嗟復驚始知春有色  
不信爾無情  
恐是天地媚  
暫隨雲雨生  
緣何絕  
尤物更可比妍明

送春

四時為第一  
一歲一重來  
好景應難勝  
餘花虛自開  
相思九箇月  
得信數枝梅  
不向東門送  
還成負酒杯

送邊將

天驕頻犯塞  
鐵騎又征西  
臣節輕鄉土  
雄心生鼓鼙  
地寒花不艷  
沙遠日難低  
漸喜秋弓健  
鵬翻白草齊

春晴

簷滴春膏絕  
憑欄晚吹生  
良朋在何處  
高樹忽流鶯

遊寺期應定尋芳步已輕  
新詩吟未穩遲日又西傾  
冬夜與脩睦上人宿遠公亭寄南岳玄泰禪

師

丈室掩孤燈更深叢竈增相看雲夢客共憶祝融僧  
語合茶忘味吟歌卷有稜楚南山水秀行止豈無朋

落花

拾得移時看重思造化功如何飄麗景不似遇春風  
滿地餘香在繁枝一夜空祇應公子見先憶墜樓紅

寄嵩陽隱者

昔年江上別初入亂離中我住匡山北君之少室東

信來經險道詩半憶皇風何事猶高卧巖邊夢未通

早蟬

門柳不連野乍聞爲早蟬遊人無定處入耳更應先  
暫默斜陽雨重吟遠岸煙前年湘竹裏風激遶離筵

酬蘊微

白衣經亂世相遇一開顏得句禪思外論交野步間  
舉朝無舊識入眼祇青山幾度斜陽寺訪君還獨還

萱草

芳草比君子詩人情有由祇應憐雅態未必解忘憂  
積雨莎庭小微風蘚砌幽莫言開太晚猶勝菊花秋

訪友人不遇  
出門無至友動卽到君家空掩一庭竹去看何寺花  
短僮應捧杖稚女學擎茶吟罷留題處苔堦日影斜  
幾年風雨跡疊在石孱顏生處景長靜看來情儘閑  
吟亭侵壞壁藥院掩空關每憶東行徑移筇獨自還  
紅薇  
春雨有五色灑來花旋成欲留池上景別染草中英  
畫出看還欠道爲挿未輕王孫多好事携酒寄吟傾  
別所知

有路有西東天涯自恨同却須深酌酒况不比飄蓬  
帆冒新秋雨鼓傳微浪風閨牽寒氣早何浦值賓鴻

小雪

散漫陰風裏天涯不可收壓松猶未得撲石暫能留  
閣靜紫吟思途長拂旅愁崆峒山北面早想玉成丘  
和脩睦上人聽猿

禪客聞猶苦是聲應是啼自然無穩夢何必到巴溪  
疎雨灑不歇迴風吹暫低此宵秋欲半山在二林西  
庭竹

嫩綠與老碧森然庭砌中坐銷三伏景吟起數竿風

葉影重還密稍聲遠或通更期春共看桃映小花紅

早行

家國三千里中宵筭去程困纔成蝶夢行不待鷄鳴  
馬首搖殘月鴉群起古城發來經幾堠村寺遠鍾聲  
哭所知

朝作青雲士暮為玄夜人風燈無定度露薤亦逡巡  
乘馬驚新塚書帷擺舊塵祗應從此去何處福生民

分題雪霽望爐峯

雪霽立庭除爐峯勢轉孤略無煙作帶獨有影沉湖  
冷觸歸鴻急明疑落照俱

下缺

雪十二韻

六二疑陰氣同雲指上天結時風乍急集處霰長先  
草穗翹祥燕陂橋吐白蓮犬狂南陌上竹醉小池前  
樵徑花黏屨漁舟玉帖舷陣經場谷薄勢想朔方偏  
槎面江搖錫籬頭曉列錢石苔青鹿卧殿網素蛾穿  
嘶馬應思塞蹲鳥似為燕童癡為獸沮僧愛用茶煎  
念物希周穆舍毫愧惠連吟闌餘興逸還憶剡溪船

廬山

非獄不言嶽此山通岳言高人居亂世幾處滿前軒  
秀作神仙宅靈為風雨根餘陰鋪楚甸一柱表吳門



靜得八公侶雄臨九子尊對猶青熨眼到必冷凝魂  
勢受重湖讓形難七澤吞黑巖歲畫電紫霧泛朝暎  
蓮墮寧唯華玉焚堪小崑倒松微發罅飛瀑遠成痕  
疊見雲容襯稜收雪氣昏裁詩曾因謝作賦偶無孫  
流礙星光撒驚衝鴈陣翻峯奇寒倚劔泉曲旋如盆  
草短分鷓雉林明露擲猿秋楓紅蝶散春石谷雷奔  
月好虎溪路煙深粟里源醉吟長易醒夢去亦銷煩  
有覺南方重無疑厚地掀輕揚聞舊俗端用鎮元元

和吳處士題村叟壁

因閱鄉居景歸心寸火燃吾家依碧嶂小檻枕清川

遠雨籠孤戍斜陽隔斷煙沙虛遺虎跡水沈聚蛟涎  
藕麴芟汀蓼甘茶挈石泉霜朝巡栗樹風夜採漁船  
戲日魚呈腹翹灘鷺並有碁尋磐石淨酒傍野花妍  
噐以鋤爲利家惟竹直錢飯香同豆熟湯暖摘松煎  
睡息鳧歲足攀藤狃凍拳淺茅鳴鬪雉曲枿嘯寒鳶  
秋果檀梨澁晨羞笋蕨鮮衣蓑留冷閣席草種閑田  
椎髻擔鋪餉眉識稔年赫鷹翦戴笠驅犢條充鞭  
不重官於社常尊食作天谷深青靄蔽峯迥白雲纏  
每憶關魂夢長誇表愛憐覽君書壁句誘我率成篇

謝友生遺端溪硯瓦

尋常濡翰次恨不到端溪得自新知己如逢舊解携  
翫餘輕照乘謝欲等懸黎靜對勝凡客閑窺憶好題  
媧天補剝石昆劍切來泥著指痕猶濕停旬水未低  
呵雲潤柱礎筆彩飲虹霓鶴眼工諳謬羊肝士下封  
連漸光比鏡因墨膩於磬書信成池黑吟須到日西  
正誇憂盜竊將隱怯攀躋捧受同交印矜持過秉珪  
草顛終近旭嬾癖必無嵇用合緣鸚鵡珍應負會稽  
貞姿還落落寒韻或淒淒風月情相半煙花思豈迷  
宜從方袋挈枉把短行批淺小金為斗泓澄玉作隄  
遇人依我惜想爾與天齊  
行時祇獨齋

和殷衙推春霖卽事

東風吹暖雨潤下不能休古道雲橫白移時客共愁  
綠沉莎似藻紅泛葉爲舟忽起江湖興疑鄰吠澗流  
此時無勝會何處滯奇遊陣急如甘戰點麤成亂漚  
竹因漆灑落松得長颼颼花慘閉庭晚蘭深曲徑幽  
絲牽汀鳥足線掛岳猿頭天地昏同醉寰區浩欲浮  
柳眉低帶泣蒲劍銳初抽石鷺翻空重虫羅綴滴稠  
荷傾蛟淚盡巖折電鞭收豈直望堯喜却懷微禹憂  
樹滋堪採菌磯沒懶垂鈎腥覺聞龍氣寒宜擁豹裘  
名膏那作珍思稔必通侯蟬鳩徒喧競笙歌懶獻酬

山川歲秀媚草木逞調柔極目非吾意行吟獨下樓  
樹滋無和所難對垂而如舞柳初華春華且自開  
關山如故草如青神宮神界直皇崇喜神新地出  
明昌為道也無惟生也隨天以自自自自自自自  
百因百因百因百因百因百因百因百因百因百因  
出翻出翻出翻出翻出翻出翻出翻出翻出翻出翻  
然若也也也也也也也也也也也也也也也也也也  
東風吹舞風舞不舞不舞不舞不舞不舞不舞不舞  
唐李推官披沙集卷第四

唐李推官披沙集卷第五

題陳將軍別墅

明王獵士猶踈在巖谷安居最有才高虎壯言知鬼  
伏葛龍閑卧待時來雲藏山色晴還媚風約溪聲靜  
又廻不獨春光堪醉客庭除長見好花開

湘浦有懷

鴻鴈哀哀背朔方餘霞倒影畫瀟湘長汀細草愁春  
浪古渡寒花倚夕陽鬼樹夜分千炬火漁舟朝卷一  
篷霜儂家本是持竿者為愛明時入帝鄉

隴西李咸用

題陳處士山居

蓮遶閑亭柳遶池  
蟬吟暮色一枝枝  
未逢皇澤搜遺逸  
贏得青山避亂離  
花圃春風邀客醉  
茆簷秋雨對僧碁  
樵童牧豎勞相問  
巖穴從來出帝師

和蔣進士秋日

晚雨霏微思杪秋  
不堪才子尚羈遊  
塵隨別騎東西急  
波促年華日夜流  
涼月雲開光自遠  
古風松在韻難休  
男兒但得功名立  
縱是深恩亦易酬

陳正字山居

一葉閑飛斜照裏  
江南仲蔚在蓬蒿  
天衢雲險駕駘

蹇月桂風和夢想勞  
遶枕泉聲秋雨細  
對門山色古屏高  
此中卽是神仙地  
引手何妨一釣鰲

與劉三禮陳孝廉言志

真宰無私造化均  
年年分散月中春  
皆期早躡青雲路  
誰肯長爲白社人  
宋國高風休斂翼  
聖朝公道易酬身  
大須審固穿楊箭  
莫遣參差鬢雪新

秋日送嚴湘侍御歸京

蟾影珪圓湖始波  
楚人相別恨偏多  
知君有路昇霄漢  
獨我無由出薜蘿  
雖道危時難進取  
到逢清世又如何  
誰聽窸窣敲牛角  
月落星稀一曲歌

吟題王處士山居

雲木沉沉夏亦寒此中幽隱幾經年無多別業供王  
稅大半生涯在釣船蜀魄叫迴芳草色鷺鷥飛破夕  
陽煙干戈靖起能高引只箇逍遙是謫仙

謝所知

狂歌狂舞慰風塵心下多端亦懶言早是亂離輕歲  
月誰能愁悴過朝昏聖朝公道如長在賤子謀身自  
有門却愧此時叨厚遇他年何以報深恩

秋望

雲陰慘澹柳陰稀遊子天涯一望時風閃鴈行疎又

密地迴江勢急還遲榮枯物理終難測貴賤人生自  
不知未達誰能多歎息塵埃爭損得男兒

送譚孝廉赴舉

鼓聲聲裏奉詩禮戈戟林間入鎬京好事盡從難處  
得少年無向易中輕也知貴賤皆前定未見踈慵遂  
有成吾道近來稀後進善開金口荅公卿

途中逢友人

大道將窮阮籍哀紅塵深翳步遲迴皇天有意自寒  
暑白日無情空往來霄漢何年徵賦客煙花隨處作  
愁媒相逢且快眼前事莫厭狂歌酒百盃

湘川湘岸兩荒涼孤鴈號空動旅腸一棹寒波思范  
蠡滿樽醇酒憶陶唐年華蒲柳凋衰鬢身跡萍蓬滯  
別鄉不及東流趨廣漢臣心日夜與天長  
若說精通詞藝長詞人爭及孝廉郎秋螢短燭難盈  
按隣燭餘光不滿行鵠箭親踈雖異的桂花高下一  
般香明時公道還堪信莫遣錐鋒久在囊

宿漁家

促杼聲繁螢影多江邊秋興獨難過雲遮月桂幾枝

恨煙罩漁舟一曲歌難世斯人雖隱遁明時公道復  
如何陶家壁上精靈物風雨未來終是梭

旅館秋夕

牢落生涯在水鄉只思歸去泛滄浪秋風螢影隨高  
柳夜雨蛩聲上短牆百歲易為成荏苒丹霄誰肯借  
梯航若教名路無知己足馬塵中是自忙

悼范攄處士

家在五雲溪畔住身遊巫峽作閑人安車未至柴關  
外片玉已藏墳土新雖有公卿聞姓字惜無知己脫  
風塵到頭積善成何事天地茫茫秋又春

一軸煙花滿口香諸侯相見肯相忘未聞珪璧爲人  
棄莫倦江山去路長盈耳暮蟬催別騎數杯浮蟻咽  
離腸眼頭多少難甘事自古男兒須自強

春暮途中

細雨如塵散暖空數峯春色在雲中須知觸目皆成  
恨縱道多文爭窮飛燕有情依舊閣垂楊無力受  
東風誰能會得乾坤意九土榮枯自不同

題陳正字林亭

曉煙輕翠拂簾飛黃葉飄零弄所思正是低摧吾道

日不堪惆悵異鄉時家林蛇豕方群起宮沼龜龍未  
有期賴有平原憐賤子滿亭山色借吟詩

送從兄入京

柳轉春心梅艷香相看江上恨何長多情流水引歸  
思無賴嚴風促別觴大抵男兒須振奮近來時事懶  
思量雲帆高挂一揮手目送煙霄鴈斷行

秋日書懷寄所知

秋螢一點雨中飛獨立黃昏思可知三島路遙身汨  
沒九天風急羽差池年華逐浪催霜髮旅恨和雲拂  
桂枝不向故人言此事異鄉誰更念棲遲

鷺默平林燕別軒相逢相笑話生前低飛旅恨看霜  
葉曲寫歸情向暮川在野孤雲終捧日朝宗高浪本  
蒙泉何勞悵望風雷便且混魚龍黷武年

山中夜坐寄故里友生

展轉簷前睡不成一床山月竹風清蟲聲促促催鄉  
夢桂影高高挂旅情禍福既能知倚伏行藏爭不要  
分明可憐任求真堅白淨洗雙眸看太平

春日題陳正字林亭

周廻勝異似仙鄉稍減愁人日月長暮繞虛簷高岫

色鏡臨危檻小池光絲垂楊柳當風軟玉坼含桃倚  
徑香南北近來多少事數聲橫笛怨斜陽

送河南韋主簿歸京

嚴風愛日淡闌干去住情途各萬端世亂敢言離別  
易時清猶道路行難舟維晚雨湘川暗袖拂晴嵐峴  
首寒見說滿朝親友在肯交憔悴出長安

喻道

漢武秦皇漫苦辛那思俗骨本含真不知流水潛催  
老未悟三山也是塵牢落沙丘終古恨寂寥函谷萬  
年春長生客待仙挑餌月裏嬋娟笑殺人



一簇煙霞榮辱外秋山留得傍簷楹朝鍾暮鼓不到  
耳明月孤雲長挂情世上路岐何繚繞水邊蓑笠稱  
平生尋思阮籍當時意豈是途窮泣利名

物情

誰分萬類二儀間稟性高卑各自然野鶴不棲葱蒨  
樹流鶯長喜艷陽天李斯溷鼠心應動莊叟泥龜意  
已堅成是敗非如賦命更教何處認愚賢

金谷園

石家舊地聊登望寵辱從茲信可驚鳥度野花迷錦

障蟬吟古樹想歌聲雖將玉貌同時死却羨蒼頭此  
日生多積黃金買刑戮千秋成得綠珠名

投所知

手欠東堂挂一枝家書不敢便言歸挂簷晚雨思山  
閣拂岸煙嵐憶釣磯公道甚平才自薄丹霄好上力  
猶微誰能借與搏扶勢萬里飄飄試一飛

贈友弟

螢焰燒心雪眼勞未逢嘉夢見三刀他時詎有鹽梅  
味今日猶疑腹背毛金埒曉霧千里駿玉輪寒養一  
枝高誰能終歲搖蘋尾唯唯洋洋向碧濤

春日喜逢鄉人劉松

故人不見五春風異地相逢嶽影中  
舊業久拋耕釣侶新聞多說戰爭功  
生民有恨將誰訴花木無情祇自紅  
莫把少年愁過日一樽須對夕陽空

夏日別余秀才

岳麓雲深麥雨秋滿傾盃酒對湘流  
沙邊細柳牽行色水面輕煙畫別愁  
敢待傳巖成好夢任從礮石挂纖鈞  
鏡機冲漠非吾事自要青雲識五侯

唐李推官披沙集卷第五

唐李推官披沙集卷第六

廬陵九日

菊花山在碧江東冷酒清吟興莫窮  
四十三年愁裏過幾多般事亂來空  
雖經故國音書絕猶喜新知咲語同  
竟日開門無客至笛聲迢遞夕陽中

和人遊東林

一從張野卧雲林勝槩誰人更解尋  
黃鳥不能言往事白蓮虛發至如今  
年年上國榮華夢世世高流水石心  
始欲共君重悵望紫霄峯外日沉沉

隴西李

咸用

和彭進士秋日遊靖居山寺  
秋山入望已無塵况得閑遊謝事頻問著盡能言祖  
祖見時應不是真真漆瓶野水遮還急伴塔幽花落  
又新自笑未曾同逸步終非宗炳社中人  
和彭進士感懷  
人生誰肯便甘休遇酒逢花且共遊若向雲衢陪驥  
尾直須天畔落旄頭三編大雅頻關興一冊南華旋  
解憂四海英雄多獨斷不知何者是長籌

寄題從兄坤載村居

鄰並無非樵釣者莊生物論宛然齊雨中寒樹愁鷓

立江上殘陽瘦馬嘶說與衆傭同版築呂將群叟共  
礮溪覆巢破卵方堪懼取次梧桐鳳且棲

送黃賓于赴舉

秋風昨夜滿瀟湘衰柳殘蟬思客腸早是亂來無勝  
事更堪江上揖離觴澄潭濯鯉搖輕浪落日飛鳧趁  
遠檣漁父不須探去意一枝春裊月中央

冬日喜逢吳價

垂楊煙薄井梧空千里遊人駐斷蓬志意不因多事  
改鬢毛難與別時同鶯遷猶待銷冰日鵬起還思動  
海風窮達他年如賦命且陶真性一杯中

題劉處士居  
壁破嵐光半畝餘  
竹軒蘭砌共清虛  
泉經小檻聲長急  
月過脩篁影旋踈  
溪鳥時時窺戶牖  
山雲往往宿庭除  
干戈謾道因天意  
渭水高人自釣魚

送李尊師歸臨川

蟠桃一別幾千春  
謫下人間作至人  
塵外煙霞吟不盡  
鼎中龍虎伏初馴  
除存紫府無他意  
終向青冥舉此身  
辭我麻姑山畔去  
蔡經蹤跡必相親

西望長安路幾千  
遲回不爲別家難  
酌量才地心難

動點檢囊裝意又闌  
自是遠人多蹇滯  
近來仙榜半孤寒  
嘶風重訴牽監耻  
伯樂何妨轉眼看

吳處士寄香象勸入道

謝寄精專一稔香  
勸予朝禮仕虛皇  
須知十極皆臣妾  
豈止遺生奉混茫  
空掛黃衣寧續壽  
曾聞玄教在知常  
但居平易俟天命  
便是長生不死鄉

草蟲

如縵如織暮  
應節催年使我愁  
行客語停孤店月  
高人夢斷一床秋  
風低薜迳疑偏急  
雨咽槐亭得暫休  
須付畫堂蘭燭畔  
歌懷醉耳兩悠悠

日近煙饒還有意東垣西掖幾千株牽仍別恨知難  
盡誇街春光恐更無解引人情長婉約巧隨風勢強  
盤紆天應繡出繁華景處處茸絲惹路衢

曾將俎豆爲兒戲爭奈干戈阻素心遁去不同秦客  
逐病來還作越吟名流古集典衣買僻寺奇花貴  
酒尋從道趣時身計拙如非所好肯開襟

上帝無私意甚微欲教霖雨更光輝也知觸處花相

似可到貧家影便稀雲漢風多銀浪濺崑山火後玉  
灰飛高樓四望吟魂斂却憶明皇月殿歸

緋桃花

茫茫天意爲誰留深染天桃備勝遊未醉已知醒後  
憶欲開先爲落時愁癡蛾亂撲燈難滅躍鯉傍驚電  
不收何事梨花空似雪也稱春色是悠悠

同友人秋日登庾樓

蘭摧菊暗不勝秋倚著高樓思莫收六代風光無問  
處九條煙水但凝愁誰能百歲長閑去抵箇孤帆豈  
自由欲學仲宣知是否臂弓腰劍逐時流

和友人詠雪  
輕輕玉疊向風加襟袖誰能認六葩高岫人迷千尺  
布平林天與一般花橫空落驛雲遺屑撲浪翻聯蝶  
寄槎公子樽前流遠思不知何處客程賒  
和友人喜相遇十首

爲儒自愧已多年文賦歌詩略不專肯信披沙難見  
寶只憐苦草易成編燕昭寤寐常求駿郭隗尋思未  
是賢且固初心希一試箭穿正鵠豈無緣

揣情摩意已無功只把篇章助國風宋玉謾誇雲雨  
會謝思寧許夢魂通愁成旅鬢千絲亂吟得寒缸短

焰終難世好居郊野地出門常喜與人同  
惠子休矜學五車沛公方起斬長蛇六雄互欲吞諸  
國四海終須作一家自古經綸成世務暫時朱綠比  
朝霞人生心口宜相副莫使堯階草勢斜  
不傍江煙訪所思更應無處展愁眉數杯竹閣花殘  
酒一局松窓日午碁多病却疑天與便自愚潛喜衆  
相欺非窮非達非高尚冷咲行藏祇獨知  
閑吟閑坐道相應遠想南華亦自矜拋擲家鄉輕似  
夢尋常心地冷於僧和羨使用非胥靡憶繪言詞小  
季鷹唯伏十篇金玉韻此中高旨莫階升

已向丘門老此軀可堪空作小人儒吟中景象千般  
有書外囊裝一物無潤屋必能知早散輝山應是不  
輕沾短衣寧倦重脩謁誰識高陽舊酒徒  
松桂寒多衆木分輕浮如葉自紛紛韶咸古曲教誰  
愛山水清音喜獨聞上古共知傳大寶舊交寧復在  
青雲相逢莫厭杯中酒同醉同醒祇有君  
還淳反朴已難期依德依人敢暫違寡欲自應剛正  
立無私翻覺友朋稀旄頭影莫侵黃道傳說星終近  
紫微年紀少他邊伯玉幸因多難早知非  
麻衣未識帝城塵四十爲儒是病身有恨不關銜國

耻無愁直爲倚家貧齊輕東海二高士漢重商山四  
老人一種愛閑閑不得混時行止却應真  
任說天長海影沉友朋情比未爲深唯應樂處無虛  
日太半危時得道心命達天塲同白首價高甄瓦卽  
黃金他年有要玄珠者赤水縈紆試一尋

依韻脩睦上人山居十首

生身便在亂離間遇柳逢花作麼看老去轉諳無是  
事本來何處有多般長憐蠖蠓能隨暖獨咲梧桐不  
耐寒覆載我徒爭會得大鵬飛尚未知寬  
雲泉日日長松寺絲管年年細柳營靜躁殊途如自

識榮枯一貫亦何爭道傍病樹人從老溪上新苔我  
獨行若見淨名居士語逍遙全不讓莊生

莫言天道終難定須信人心盡自輕宣室三千雖有  
恨成周八百豈無情相緣執性長時瘦梅爲多知兩  
番生不是不同明主意嬾將唇舌與齊烹

不論軒冕及漁樵性與情違漸漸遙李子禍從憐富  
貴顏生道在樂箏瓢清閑自可齊三壽忿恨還須戒  
一朝好學堯民隈舜日短裁孤竹理雲韶

春風春雨一何頻望及空江覺損神鶯有來由重入  
谷柳無情緒強依人漢庭謁者休言事魯國諸生莫

問津類是水鄉擣櫟賤滿爐紅焰且相親

三十年來要自觀履春冰恐未爲難自於南國同埋

劍誰向東門便掛冠早是人情飛絮薄可堪時令太

行寒多慙幸住匡山下偷得穠嵐坐卧看

晚蘭未必因香折湖象多應爲齒焚兼濟直饒同巨

楫自由何似學孤雲秋深櫟菌樵來得木末山巖夢

斷聞閑凭竹軒遊子過替他愁見日西曛

何事深山嘯復歌短弓長劍不如他且圖青史垂名

穩從道前賢自滯多斥鷃敢辭棲短棘鳳凰猶解怯

高羅人生若得逢堯舜便是巢由亦易過



太玄太易小窓明古義尋來醉復醒西伯縱逢頭已  
白步兵如在眼應青寒猿斷後雲橫檻宿鳥驚時月  
滿庭此景得閑閑去得人間無事不曾經  
壯氣雖同德不同項王何似王江東鄉歌寂寂荒丘  
月漁艇年年古渡風難世斯人猶不達此時吾道豈  
能通吟君十首山中作方覺多端總是空

同友生春夜聞雨

春雨三更洗物華亂和絲竹響豪家滴繁知在長條  
柳點重愁看破梨花簷靜尚疑兼霧細燈搖應是逐  
風斜此時農叟渾無夢爲喜流膏潤穀芽

同友生題僧院杜鵑花

得春字

若比衆芳應有在難同上品是中春牡丹爲性踈南  
國朱槿操心不滿旬留得却緣真達者見來寧作獨  
醒人鶴林太盛今空地莫放枝條出四鄰

同玄昶上人觀山榴

病隨支遁偶行行正見榴花獨滿庭瘦竹成林人不  
看却應羞得強青青

別李將軍

一拜虬髯便受恩宮門細柳五搖春男兒自古多離  
別懶對英雄淚滿巾

錦翅朱冠

早鷄  
四鄰稻梁恩重  
職司晨不知下土兵難  
戰但報明時向國人

別友人

北吹微微動旅情  
不堪分手在平明  
寒鷄不待東方  
曙喚起征人踏月行

唐李推官披沙集卷第六

李丞相詩集目錄

卷上

中酒寄劉行軍

早春寄懷

春日小園晨看

春日病中

踏青樽前

惜花

柳花寄宋明府

隴西李建勳

白鴈

春日東山正堂作

惜花寄員外

毆妓

正月晦日

金谷園落花

送人

閑遊

贈趙學士

春日金谷園

懷贈操禪師

冬日青溪草堂

留題愛敬寺

宿山房

卷闕下偶書寄孫員外

病中書懷

李丞送王郎中之吉水

栢梁隔句韻詩

春陰

酬祥松二公見訪

閑居秋思

溪齋

小園東山玉堂

青溪草堂閑興

寄魏郎中

採菊

孤鴈

贈致仕郎中  
感故府二首  
新竹

宿友人山居二首  
田家三首  
歸燕詞

卷下

題魏壇二首

落花

重和春雪寄沈員外

樽前

殘牡丹

醉中惜花

東樓看雪

春雪

春日樽前示從事

薔薇二首

春雨二首

和判官喜雨

離闕下日感恩

春水

仲春寫懷寄沈員外

道林寺

醉中詠梅花

湘寺感懷寄二三友

惜花

登昇元閣

宮詞

晚泊望廬山懷岳僧

細雨懷故人

蝶

鍾山寺避暑

和致仕沈郎中

閑出書懷

春雪

梅花寄所親

雪

晚春送牡丹

重臺蓮

迎神

獨夜作

清明日

春詞

竹

宮詞

李丞相詩集目錄

卷上

中酒寄劉行軍

卷上

李丞相詩集卷上

中酒寄劉行軍

西李襄建勳

詩四十四首

中酒寄劉行軍

中酒寄劉行軍

甚矣頻頻醉神昏體亦虛肺傷徒問藥髮落不盈梳  
戀寢嫌明室脩生媿道書西峯老僧語相勸合何如

白鴈東山玉堂刊

東溪知鴈毛羽何皎潔薄暮浴清波斜陽共明滅  
差池失群久幽獨依人旅食賴菰蒲單栖怯霜雪  
邊風昨夜起顧影空哀咽不及牆上烏相將遶雙闕

豈風和早春寄懷空東歸不及盡土息計遊雙關  
家山歸未得又是看春過老覺光陰速閑悲世路多  
風和吹岸柳雪盡見庭莎欲向東溪醉狂眠不放歌

春日東山正堂作

身閒贏得出天氣漸暄和蜀馬登山穩南朝古寺多  
早花微弄色新酒欲生波從此唯行樂閑愁奈我何  
春日小園晨看彙招同舍

最有杏花繁枝枝若手搏須知一春促莫厭百迴看  
鳥嘯風潛息蜂遲露未乾可容排飲否彙折贈頭冠

李丞醉惜花寄士員外

朝始一枝開暮復一枝落只恐雨淋漓又見春蕭索  
侵晨結駟攜酒徒尋芳踏盡長安衢思量少壯不自  
樂他日白頭空嘆吁

春日病中

纔得歸閑去還教病卧頻無由全勝意終是負青春  
綠柳漸拂地黃鶯如喚人方為醫者勸斷酒已經旬

自為專房甚忽忽有所傷當時心已悔徹夜手猶香

恨枕堆雲髻啼襟搵月黃起來猶恐惡剪破綉鴛鴦

踏青樽前

期君速行樂不要旋還家  
永日雖無雨東風自落花  
詩毫粘酒淡歌袖向人斜  
薄暮忘歸路岳揚噪亂鴉  
莫倦尋春去都無百日遊  
更堪正月過已是一分休  
泉暖聲纔出雲寒勢未收  
晚來重作雪翻爲杏花愁  
白髮今如此紅芳莫更催  
預愁多日謝翻怕十分開  
點滴無時雨荒涼滿地苔  
一盃酒惟待故人來  
愁覩清明後紛紛蓋地紅  
惜看難過日自落不因風

蝶散餘香在鶯啼半樹空  
堪悲一樽酒從此似西東  
每愛江城裏青春向盡時  
一迴新雨歇是處好風吹  
破石粘蟲網高樓撲酒旗  
遙知陶令宅五樹正離披  
相見未逾月堪悲還別離  
非君誰顧我萬里又南之  
雨逼清明日花陰杜宇時  
愁看掛帆處鷗鳥共遲遲  
攜酒復攜觴朝朝一似忙  
馬語頻到路僧借舊眠床  
道勝他圖薄身閑白日長  
扁舟動歸思高處見滄浪



彭祖山栢梁隔句韻詩  
不喜長亭柳枝枝擬送君  
惟憐北窓樹樹解留人  
圓缺都如月東西只似雲  
愁看離席散歸蓋動行塵  
常欽趙夫子遠作五侯賓  
見面到今日操心如古人  
醉同華席少吟訪野僧  
頻寂寂長河畔荒齋與廟鄰  
老雨不肯休東風勢還作  
未放華蒙華已遣花蕭索  
浮生何苦勞觸事妨行樂  
寄語達生人須知酒勝藥  
雜清補春日金谷園  
空悲

火急召親賓歡遊莫厭頻  
日長徒似歲花落卽非春  
晚雨來何定東風自不勻  
須知三箇月半是負芳辰

夏日酬祥松二公見訪

多謝空門客時時出草堂  
從容非有約淡薄不相忘  
池映春篔老簷垂夏果香  
西風正晴霽自與拂吟床

懷贈操禪師

嘗憶曹溪子龕居面碧嵩  
杉松新夏後雨雹夜禪中  
道匪因經悟心能向物空  
秋來得音信又在剡山東

閑居秋思呈祥松二公

秋光雖卽好客思轉悠哉  
去國身將老流年鴈又來

葉紅堆晚徑菊冷藉空臺  
不得師相訪難將道自開  
賦得冬日青溪草堂四十字

莫道無幽致常來到日西  
地雖當北闕天與設東溪  
疎葦寒多折鷺鳧去不齊  
生中皆作者長愛覓分題

溪齋

水木遶吾廬  
寥廓晚檻虛  
衰條寒露鵲  
幽果落鷺魚  
愛酒貧還甚  
趨時老更踈  
乖慵自有素  
不是忽簪裾

留題愛敬寺

野性竟未改何以居朝廷  
空為百官首但愛千峯青  
南風新雨後與客携觴行  
斜陽惜歸去萬壑啼鳥聲

小園

小園吾所好栽植忘勞形  
晚果經秋赤寒蔬近社青  
竹籬荒引蔓土井淺生萍  
更欲從人勸憑高置草亭

宿山房

石窓燈欲盡松檻月還明  
就枕渾無睡披衣却出行  
巖高泉亂滴林動鳥時驚  
倏忽山鍾曙喧喧僕馬聲

金陵所居青溪草堂閑興

窓外皆連水杉松欲作林  
自憐趨競地獨有愛閑心  
素壁題看遍危冠醉不簪  
江僧暮相訪簾捲見秋岑

闕下偶書寄孫員外

長安驅馳地貴賤共悠悠白日誰相促勞生自不休  
鳳翔雙闕曉蟬噪六街秋獨有南宮客時來話釣舟  
碌碌但隨群蒿蘭任不分未嘗矜有道求遇向吾君  
逸駕秋尋寺長歌醉望雲高齋紙屏古塵暗北山文  
落葉滿山州閑眠病未瘳窓陰連竹枕藥氣染茶甌  
路匪人遮去官須自覓休焉宜更羸老扶杖作公侯  
採菊意相鮮一枝開幾番味甘資麴蘖香好勝蘭蓀

古道風搖遠荒籬露壓繁盈筐時採得服餌近知門

送王郎中之官吉水

南望廬陵郡山連五嶺長吾君憐遠俗從事輟名郎  
移戶多無土春蠶不滿筐惟應勞贊畫溪峒况疆梁

孤鴈

欲食不敢食合栖猶未栖聞風亦驚過避繳恨飛低  
水闊緣湘困雲寒過磧迷鳴悲人感意見夜烏啼

贈送致仕郎中

鶴立瘦稜稜鬢長白似銀衣冠皆古製氣貌異常人  
聽雪添詩思看山滯酒巡西風重歸路唯許野僧親

魏書宿友人山居寄司徒相公  
雨雪正霏霏令人不憶歸地爐僧坐暖山拚火聲肥  
隔紙烘茶蕊移鐫剝芋衣知君在霄漢此興得還稀  
郢客相尋夜荒庭雪灑高虛堂看向曙吟坐共忘勞  
溪凍聲全減燈寒焰不高他人莫相笑未易會吾曹  
感故府二首  
威威復威威期懷安可釋百年金石心中路生死隔  
新墳應草合舊地空苔色白日燈熒熒凝塵滿虛席

悒悒復悒悒思君安可息永日在堦前披衣濕風立  
高樓暮角斷遠樹寒鴉集惆悵幾行書遺蹤墨猶濕

田家三首

畢歲知無事兵銷復舊丁竹門桑逕狹春日稻畦青  
犬吠隈籬落鷄飛上碓程歸田起思蛙叫草冥冥  
不識城中路熙熙已有年木檠檠社酒瓦鼓送神錢  
霜落牛歸屋禾收雀滿田遙陂過秋水閑閣釣魚船

又

長愛田家事時時欲一過垣籬皆樹槿廳院亦堆禾

病果因風落寒蔬向日多遙聞數聲笛牛晚下前坡

新竹

裊裊薰風軟娟娟湛露光參差仙子仗迤邐羽林槍  
迥去侵花地斜來破蘚牆籜乾猶抱翠粉膩若塗裝  
逕曲莖難數陰踈葉未長嬾嫌吟客倚甘畏夏蟲傷  
映水如爭立當軒自著行北亭罇酒興還為此君狂  
平流叶歸燕詞 歸燕詞 歸燕詞 歸燕詞 歸燕詞  
羽翼勢雖微雲霄亦可期飛翻自有路鴻鵠莫相嗤  
待侶臨書幌尋泥傍藻池衝入穿柳逕捕蝶遶花枝  
廣廈來應遍深宮去不疑雕梁聲上下煙浦影參差

舊地人潛喚新巢雀謾窺雙雙暮歸去踈雨滿江湄

李丞相詩集卷上

詩

李丞相詩集卷上  
題魏壇二首  
不遇至真傳道要  
曾看真誥亦何為  
舊碑經亂沉荒澗  
靈篆因耕出故基  
蛙蚓自喧和藥井  
牛羊閑過放生池  
蕭條夕景空壇畔  
朽檜枝斜綠蔓垂  
一尋遺跡到仙鄉  
雲鶴沉沉思渺茫  
丹井歲深生草木  
芝田春廢卧牛羊  
雨淋殘畫摧荒壁  
鼠引饑落壤梁  
薄暮欲歸仍佇立  
菖蒲風起水泱泱

李丞相詩集卷下

李丞相詩集卷下

詩四十一首

題魏壇二首

隴西李 建勳

不遇至真傳道要曾看真誥亦何為舊碑經亂沉荒澗靈篆因耕出故基蛙蚓自喧和藥井牛羊閑過放生池蕭條夕景空壇畔朽檜枝斜綠蔓垂一尋遺跡到仙鄉雲鶴沉沉思渺茫丹井歲深生草木芝田春廢卧牛羊雨淋殘畫摧荒壁鼠引饑落壤梁薄暮欲歸仍佇立菖蒲風起水泱泱

東樓看雪  
木上高樓醉復醒  
日西江雪更冥冥  
化風吹火全無氣  
平望惟於劣露青  
臍內不妨南地少  
夜長應得小窓聽  
因思舊隱匡廬  
閒看杉檉掩石扃  
惜花無計又花殘  
獨遠春叢不忍看  
暖艷動隨鶯翅落  
冷香愁雜燕泥乾  
綠珠倚檻魂初散  
巫峽歸雲夢又闌  
恁把十樽重命樂  
送春招客亦何歡

春雪

南國春寒朔氣迴  
霏霏還阻百花開  
全移暖律何方

去似悞新鶯  
昨日來平野  
旋銷難蔽草  
遠林高綴却  
遮梅不知金  
勒誰家子  
只待晴明賞  
帝臺香

重戲和春雪寄沈員外

誰道江南要雪難  
半春猶得倚樓看  
却遮遲日偷鶯暖  
密灑西風借鶴寒  
散漫不容梨艷去  
輕明應笑玉華乾  
和來瓊什雖無敵  
但是儂家比興殘

春日樽前示從事

州中案牘魚鱗密  
界上軍書竹節稠  
眼底好花渾似雪  
甕頭春酒漫如油  
東君不為留遲日  
清鏡唯知促白頭  
最覺此春無氣味  
不如庭草解忘憂

白頭是樽前  
官為將相復何求  
世路多端早合休  
漸老更知春可惜  
正歡惟怕客難留  
雨催草色還依舊  
晴放花枝始自由  
莫厭百壺相勸倒  
免教無事結閑愁

華蓮味薔薇二首

萬藥爭開照檻光  
詩家何物可相方  
錦江風撼雲霞碎  
仙子衣飄黼黻香  
衰露早陰濃壓架  
背人狂蔓暗穿牆  
綵牋蠻榼旬休日  
欲召親賓看一場

拂簷挹地對前墀  
蝶影蜂聲爛熳時  
萬倍馨香勝玉藥  
一生顏色笑西施  
忘歸醉客臨高架  
恃寵佳人索

好枝將並舞腰誰得及  
惹衣傷手盡從伊

殘牡丹

腸斷題詩如執別  
芳英愁更遠  
攔鋪風飄金藥看  
全落露滴擅英又  
暫蘇失意婕妤粧  
漸薄背身妃子病  
難扶迴看池館春  
休也又是迢迢看  
畫圖

春雨二首

春霖未免妨遊賞  
唯到詩家自有情  
花遲不通新草合  
蘭舟初動曲池平  
淨綠高樹莓苔色  
饑集虛廊燕雀聲  
閑憶昔年為客處  
悶留山館阻行行

蕭蕭春雨密還疎  
景象三時固不如  
寒入遠林鶯翅



重暖抽新麥土膏虛細濛臺榭微曩日潛漲漣漪欲  
動魚唯稱弄慵多睡者掩門中酒覽閑書  
公退尋芳已是遲莫因他事更來稀未經旬日唯憂  
落筭有閑時不合歸歌檻宴餘風裊裊閑園吟散雨  
霏霏高樓鼓絕重門閉長爲拋迴恨解衣  
去禱山川尚未還雲雷尋作遠聲寒入情便似秋登  
悅天色休勞夜起看高檻氣濃藏郭小庭流擁沒  
花壇須知太守重牆內心極農夫望處歡

二年塵冒處中台喜得南歸退不才卽路敢期皇子  
送出關猶有御書來未知天地恩何報翻對江山思  
莫開斜日葦汀疑立處遠波微颺翠如苔

細雨遙懷故人

江雲未散東風暖溟濛正在高樓見細柳綠堤少過  
人平蕪隔水時飛燕我有近詩誰與和憶君狂醉愁  
難破昨夜南窓不得眠閑堦點滴迴燈坐

春水

萬派爭流雨過時晚來春靜更逶迤輕鷗散遶夫差

國遠樹微分夏禹祠青岸漸平濡柳帶舊溪應暖負  
尊絲風鬟倚楫誰家子愁看鴛鴦望所之

粉蝶翩翩若有期南園長是到春歸閑依柳帶參差  
起困傍挑花獨自飛潛被燕驚還散亂偶因入逐入  
簾幃晚來欲雨東風急迴看池塘影漸稀

自從騎竹學謠吟便帶光陰役此心寓目不能閑  
日閉門長勝得寸金窓懸夜雨殘燈在庭掩春風落  
絮深唯有故人不同此興近來何事懶相尋

鍾山寺避暑勉二三子

樓臺雖少景何深滿地青苔勝布金松影晚留僧共  
坐水聲閑與客同尋清涼會擬歸蓮社沈酒終須棄  
竹林長愛寄吟經案上石窓秋霽向千岑

道林寺

雖向鍾峯數寺連就中奇勝出其間不教幽樹妨閑  
地別著高窓向遠山蓮沼水從雙澗入客堂僧自九  
華還無因得結香燈社空向王門玷玉班

和致仕沈郎中

欲謀休退尚因循且向東溪種白蘋謬應星辰居四

輔終期冠褐作閑人城中隔日趨朝懶楚外千峯入  
夢頻殘照晚庭沉醉醒靜吟斜倚老松身

華嚴無醉中詠梅花詩空回玉門詠王班

十月清霜尚未寒雪英重疊已如搏還悲獨詠東園  
裏老作南州刺史看北客見皆驚節氣郡僚癡欲望  
盃盤交親罕至長安遠一醉如泥豈自歡

竹林寺閑出書懷寄王正志林書回十卷

閑遊何用問東西高興皆非有所期斷酒只携僧共  
去看山從聽馬行遲溪田雨漲禾生耳原野鶯啼  
熟時應有交情長笑我獨輕人事鬢將衰

下詩 湘寺居陸處士相訪感懷却寄二三友人

湘寺閑居亦半年就中昨夜好潜然人歸遠岫踈鐘  
後雪打高杉古屋前投足正逢他國亂冥心未解祖  
師禪爐煙向冷孤燈下唯有寒吟到曙天

湘寺 春雪

隨風竟日勢漫漫特地繁於故歲看幽樹凍粘花屋  
重短簷斜濕燕巢寒閑聽不昧詩魂爽淨喫無厭酒  
肺乾莫道便為桑麥虐亦勝焦涸到春殘

惜花

淡淡西園日又垂一罇何忍負芳枝莫言風雨長相

從直是清明得幾時心破只愁鶯踐落眼穿唯怕客  
來遲年年使我成狂叟腸斷紅牋幾首詩

祖暉真梅花寄所親

一氣才新物未知每慙青律與先吹雪霜迷素猶嫌  
早桃杏雖紅且後時雲鬢自粘飄處粉玉鞭誰指出  
墻枝老夫多病無風味只向樽前詠舊詩

和轉登昇元閣

登高始見太虛寬白雪須知唱和難雲渡瑣窓金榜  
濕月移珠箔水精寒九天星象簾前見六代城池直  
下觀惟有土層入未到金烏飛過拂欄干

雪有作

霏霏奕奕滿寒空况是難逢值臘中未白已堪張宴  
會漸繁偏好去簾櫳庭莎易集看盈地池柳難裝旋  
逐風長愛清華入詩句預愁遲日放消融

宮詞

自遠凝旒守上陽舞衣頓減舊朝香簾垂粉閣春將  
盡門掩梨花日漸長草色深濃封輦路水聲低咽轉  
宮墻君王一去不迴駕皓齒青蛾空斷腸

晚春送牡丹

雙觴邀客遶朱欄腸斷殘春送牡丹風雨數來留不

得離披將謝，忍重看氤氳蘭麝香。初減零落雲霞色，  
漸乾借問少年能幾許，不須推酒厭盃盤。

宮殿歲寒晚，泊望廬山不見。因懷岳僧呈察判

貪程只為看廬阜，及到停舟恨頗濃。雲暗半空藏萬  
仞，雲迷雙瀑在中峯。林端莫辨曾遊路，鳥際微聞向  
暮鍾。長愧昔年招我入，共尋香社見芙蓉。

彩鳳身重臺蓮，詩曰：既其甚日，於此始。

斜倚秋風絕比倫，飛英和露染難勻。自為祥瑞生南  
國，誰把丹青寄北人。明月幾宵同綠水，牡丹無路出  
紅塵。憐伊不弄多時立，贏得馨香暗上身。

李益迎神

搗蠻鼉吟，塞笛女巫結束分行立。空中再拜神且  
來，滿奠椒漿齊獻揖。陰風宰宰吹紙錢，妖巫瞑目傳  
神言。與君降福為豐年，莫教賽祀虧常筵。

春詞

日高閑步下堂階，細草春莎沒繡鞋。折得玫瑰花一  
朶，憑君簪向鳳凰釵。

獨夜作

佳人一去無消息，夢覺香殘愁復入。空庭悄悄月如  
霜，獨倚欄干伴花立。

東園竹  
瓊節高吹宿鳳枝  
風流教我立忘歸  
最憐瑟瑟斜陽  
下花影相和滿客衣

清明日  
他皆携酒尋芳去  
我獨關門好靜眠  
唯有楊花似相  
覓因風時復到床前

宮詞  
宮門長閉舞衣閑  
畧識君王鬢便斑  
却羨落花春不  
管御溝流得到人間

李丞相詩集卷下



